

مفاجأة .. أيهما أفضل : الذكر أم قراءة القرآن؟! |) ستندم طيلة السنة لو لم تطبق هذا الحديث فوراً (

حازم شومان

سلام عليكم ورحمة الله وبركاته. اخواني واخواتي في الله ناس كثير بتحب تقرا قرآن وناس تانية بتحب تذكر الله تسبيح استغفار وتهليل وناس تالته بتحب تدعي ربنا ليل نهار. رافعة ايدها لربنا سبحانه وتعالى. حد فينا سأل نفسه قبل كده؟ هو ايه ترتيب العبادات دي عند الله - [00:00:00](#)

يعني الترتيب من حيس الافضلية عند الله القرآن افضل عند ربنا ولا الذكر؟ الدعاء افضل عند ربنا ولا القرآن؟ الترتيب طول السنة زي ما بقول لكم كده كما قال العلماء. رقم واحد القرآن. القرآن هو افضل الذكر يبقى اكثر حاجة. ترضي ربنا بها وانت بتحرك لسانك يا القرآن. رقم اتنين - [00:00:20](#)

الذكر. الذكر اللي هو التسبيح والتحميد والتهليل والتكبير. رقم ثلاثة الدعاء. يعني العبادة احب الى الله من الدعاء رقم ثلاثة الدعاء. والعلماء قالوا ان المستحب تماما ان الانسان يجمع ما بين الثلاثة ، ولكن يبقى فاهم ترتيب الافضلية عند الله ايه ؟ - [00:00:40](#)

مفاجأة يا جماعة اللي انا عايز اقولها لكم في المقطع ده ان العلماء قالوا ان في عشر ذي الحجة اللي احنا فيها ده ايه؟ الترتيب بيختلف. الترتيب بيختلف ازاى ان افضل حاجة عند الله بتبقى الذكر. التكبير. التكبير يبقى افضل من قراءة القرآن في العشر من ذي الحجة. انت بتقول ايه؟ التحميد - [00:01:00](#)

الحنبله الحمد لله التهليل لا اله الا الله. ده بيبقى رقم واحد. رقم اتنين بيبقى قراءة القرآن. رقم ثلاثة بتبقى الدعاء. طب الكلام ده قولي لي عليه اول حاجة ان العلماء قالوا ان الاوقات اللي فيها عبادة مقيدة بتبقى العبادة المقيدة دي افضل من غيرها. زي مسلا لو الادان ادن. وانت قاعدة بتقري - [00:01:20](#)

القرآن الافضل عند الله كمل قراية القرآن ولا توقفي قراءة القرآن وترددي الاذان؟ الافضل عند الله انك انت توقفي قراية القرآن وترددي الاذان. لان وقت الاذان وقت مضيق هو ده والا هيفوت. والا هيروح. الحاجة التانية ان العلماء قالوا حديث النبي صلى الله عليه وسلم في مسند الامام احمد وصحة الشيخ احمد - [00:01:40](#)

احمد شاكر وصحة شعيب القرنوط قال رسول الله صلى الله عليه وسلم ما من ايام ما تدورش ما فيش العشر تيام دول فرصة عمرنا يا شباب عشر تيام دول فرصة عمرنا في التغيير ومصالحة ربنا. وان احنا نقرب من ربنا وان احنا ربنا يعطينا مخزون حسنات جبار نتزلف به. الى - [00:02:00](#)

الله ونفحات الله ورضوان الله والى رفع الله لنا الى الفردوس الاعلى يا رب اللهم امين. نسال الله الفردوس الاعلى ونستجير بالله من النار يقول النبي صلى الله عليه وسلم ما من ايام اعظم عند الله اعظم يعني كل حاجة جنبها بتبقى صغيرة يعني باقي - [00:02:20](#)

ثوابت كلها بتبقى صغيرة بالنسبة لها وده حقيقة اسم الله العظيم. اللي كل شيه بجانبه حقير. ما من ايام اعظم عند الله ولا احب الى الله العمل فيهن. اكثر ايام ربنا بيحب العمل الصالح فيها. من هذه الايام العشر اللي هي العشر الاوائل من ذي الحجة - [00:02:40](#)

احنا ربنا ممتعنا بها الوقتي. ربنا يبارك لنا فيها. فالنبي عليه الصلاة والسلام قال ايه بقى ؟ طيب الايام دي اعظم عشر تيام واحب عشر تيام. نعمل ايه يا رسول الله؟ قال الحبيب - [00:03:00](#)

صلى الله عليه وسلم فاكثرنا فيهن من من ايه؟ من الدعاء؟ لأ. طب من ترتيل القرآن؟ طبعا من ترتيل القرآن بس مش ده اللي النبي

عليه الصلاة والسلام قاله قال فاكثروا فيهن من التهليل والتحميد ومن التهليل والتكبير والتحميد. العلماء قالوا بس يبقى النبي ادى
ميزة - [00:03:10](#)

خصوصية في العشر تيام دول كمهمة مضيقة على عشر تيام لذكر الله. فقالوا يبقى الذكر في هذه الايام افضل من قراءة القرآن. كلام
خطير جدا يا جماعة ان احنا نفهم ان عشر ذي الحجة دي عيد الذاكرين والذاكرات. ان احنا نفهم ان العشر ذي الحجة دي اعظم فرصة
ان احنا نتدرب على ذكر - [00:03:30](#)

زي ما ربنا جعل رمضان وقفة سنوية لعلاقة قلوبنا بالقرآن جعل عشر ذي الحجة وقفة سنوية لعلاقة قلوبنا بذكر الله الحقوا الفرصة
عشان كده انا قلت لكم ان هندم على الحديس ده طول السنة لو ما طبقنا هوش الوقتي ليه؟ لان هو ما يطبقش غير في العشر ايام
دول بس. قراءة القرآن طول السنة انما - [00:03:50](#)

في عشر تيام دول بتوع الذكر. افضل حاجة فيهم طبعاً مش بتوع الذكر بس زي ما قلت لكم في الاول ان العلماء قالوا ان المستحب
الجمع بين هذه العبادات. يبقى فاكثروا - [00:04:10](#)

عاملها لكم البروفائل بكي تشر بتاعة الصفحة من اول النهارده بازن الله. فاكثروا فيهن من التكبير من التهليل والتكبير والتحميد عايز
اقول ايه؟ ايه النتيجة اللي احنا عايزين نقول؟ هو ربنا بيحب الذكر كده ليه؟ الذكر ده رسالة لربنا انت بتحبه قد ايه؟ تخيل انت اب
وابنك في غربة - [00:04:20](#)

قاعدين يقول لك ابنك على طول في سيرتك. انت هتفرح قد ايه! ربنا بيفرح ان انت على طول في ذكر الله. حتى ربنا ما سمهاش
عبادة التذكر. لان التذكر معناه انك بتنسى ربنا - [00:04:40](#)

تفتكروا انما عبادة الذكر. الذكر ده يعني يا رب دايماً زكرك على لساني. انا ما بنسألكش ابدأ الذكر ده. عبادة بتعرفك انت غالي عند ربنا
اليه. قد ايه؟ هو انت لما - [00:04:50](#)

بتقول الحمد لله وربنا يقول حمدني عبدي. للمأ الأعلى. ليه انت عملت ايه؟ عبادة غالية عند ربنا. بتعرفك قيمة عمرك. بتعرفك ان
الثواني انت ممكن تكسب فيها مليار قاتل حسنات عبادة الرسول عليه الصلاة والسلام قال سبق المفردون. قالوا ومن المفردون يا

رسول الله؟ قال الذاكرون الله كثيراً. والذاكرات المفرد - [00:05:00](#)

لا فرد الله بالذكر. اللي افرد الله بالقصد. اللي افرد الله بمشاعر القلب اللي افرض الله بالوجه. ما فيش في حياتي غيرك يا رب. انا مش
عايش غير عشان ارضيك يا رب. انا - [00:05:20](#)

ما بتكلمش غير عشانك. انا ما بتكلمش غير ابتغاء وجهك. انا يا رب على طول في ذكرك. انا يا رب ما فيش قيمة في الحياة. انا
باكلمكم الوقتي والشمس في وجهي. شمس - [00:05:30](#)

يا جماعة معجزة تخلينا نذكر الله ليل نهار. والمساحات الخضراء قدامي معجزة والناس وترتيب الامور وتدبير مقادير البشر كل
معجزات لله سبحانه وتعالى تخلينا لا نكف عن ذكر الله لحزة فبعيد الذاكرين والذاكرات ودي الوقفة السنوية التربوية على عبادة -

[00:05:40](#)

الذكر التشكيل العملي رقم واحد التلات افكار اللي النبي عليه الصلاة والسلام قال عليهم التهليل والتكبير والتحميد لازم يبقى لنا اوراد
فيهم. ما انت لو سبت نفسك المشاكل دي تخطفك والمشاكل دي تشدك. انت مش هتعمل حاجة. لازم تحدد لنفسك انت مش تحديد
بدعي تحديد تنظيم لحياتك. مش تحديد - [00:06:00](#)

تلتزم به غيرك ده لك انت بينك وبين ربنا. ميت مرة مسلاً من التهليل ميت مرة من التكبير ميت مرة من الحمد يومياً او خمسمية مرة.
او الف مرة لو انت عندك وقت يلا بقى حول وقتك لا اعظم عبادة تسترضي بها الله. ده اعظم ايام عند الله في السنة واحب ايام عند
الله في السنة. يبقى اعمل ورد مية - [00:06:20](#)

خمسمية الف الفين من كل واحدة بس لحد دلوقتى حدد ولو حبيت تزود كمان ورد التسبيح لان فيه رواية للحديس فيها كلمة
التسبيح الحاجة الثانية يا جماعة مش معنى ان انا قلت ان قراءة القرآن. العلماء قالوا ان التكبير والذكر افضل في هذه الايام العشر

من قراءة القرآن. ان احنا ما ندرکش قيمة قراءة - 00:06:40

القرآن ده ابن عباس بيقول ان الحسنه بتضاعف. في عشر ذي الحجة سبعميت ضعف. يعني صفحة القرآن بسبعميت صفحة. ايه ختمة القرآن كلها ستميت صفحة؟ يعني صفحة القرآن اعظم ثوابا من ختم القرآن. يعني ختمة قرآن بسبعميت ختمة قرآن في هذه الايام العشر. اوعى تضيع الثواب المهول ده. والله يضاعف لمن يشاء - 00:07:00

امة محمد انما يوفى الصابرون اجرهم بغير حساب. نصبر انفسنا. على ذكر الله وعلى عبادة الله في هذه الايام. ما تنسوش ومش معنى ان انا قلت ان الدعاء رقم ثلاثة ، ده الدعاء ده لما بييجي بعد القرآن وبعد الذكر ابواب السماوات بتتفتح له. ابواب خزائن الله! ده الدعاء ده مفاتيح خزائن الله! ادعوا ربنا - 00:07:20

ليل نهار غيروا مشاكل حياتكم. اعملوا تغيير درامي في مشاكل حياتكم بسبب كلمة يا رب. والتوسل الى الله سبحانه وتعالى الله يعينكم ويوفقكم احنا في ايام خطيرة. احنا في افضل ايام الدنيا عند الله. واعظم ايام الدنيا عند الله. واحب ايام الدنيا عند الله.

وارجى ايام الدنيا عند الله - 00:07:40

وازكى ايام الدنيا يا عبد الله خمس الفاظ سبتوا في الاحاديث الصحيحة عن النبي عليه الصلاة والسلام. فتح الله عليكم وفقكم الله. المقطع ده هدفه ان الذكر رقم واحد في هذه الايام العشرة فاكثرنا فيهن من التهليل والتكبير والتحميد. اوعوا تندموا على الحديث ده بعد ما الايام تخلص. انا باكملكم دلوقتي واحنا في نص عشر ذي الحجة - 00:08:00

احنا في اليوم الخامس في نهاية اليوم الخامس خلاص لسة خمس تيام كاملين يعني لسة الفرصة قدامنا يعني احنا لسة ما خسرناش لسة قدامنا فرصة ان احنا احنا نكسب مكاسب موهولة باذن الله سبحانه وتعالى في ذكر الله. وللي عايز يعمل خاتمة قرآن. وللي عايز يعمل اضحية حتى لو كان - 00:08:20

خد من ضوافره او شعره وهو كان لسة ما نواش. قول الجمهور ان الاخذ من الضوافر والشعر مكروه. قول الامام احمد انه حرام انما قول الجمهور انه مكروه. طب نستفاد من كده ايه - 00:08:40

اللي ناوي انه يضحى ما ياخذش من شعره واطافره. انما اللي ما كانش نوى ونوى الوقتي خلاص ماشي. يلا بس ما عدتش تاخذ من اطافرك وشعرك يلا يا جماعة نتصدق يلا - 00:08:50

نبذل الخير يلا. نتنافس في العمل الصالح. دي ايام المنافسة العظيمة. ما بين يعني ما بين عمالقة العبادة المنكسرين على باب الله سبحانه وتعالى فتح الله عليكم. اللهم بارك لنا في هذه العشر. اللهم اجعلها عشرا مباركات. اللهم ما انزلته على عبادك الصالحين في هذه العشر - 00:09:00

من فتح ونصر ومدد ونور وبركة وحفظ. فاجعل لنا منها اعضاء فاجعل لنا منه اعظم حظ ونصيب. اللهم انا نتعرض لنفحاتك فافض علينا من برك واحسانك ولطفك وودك وكرمك وعطائك. يا اكرم يا منان يا حنان يا مالك الملك يا ذا الجلال - 00:09:20

اكرام اللهم ربنا اتنا في الدنيا حسنة وفي الآخرة حسنة وقنا عذاب النار. اللهم اكتب لنا اجر الحجاج فانه ما منعنا عن الحج الا العذر يا رب العرش الكريم. اللهم اعنا على ذكرك وشكرك وحسن عبادتك. سبحانه اللهم وبحمدك. اشهد ان لا اله الا انت استغفرك واتوب اليك - 00:09:40